

<<全宋诗>>

图书基本信息

书名：<<全宋诗>>

13位ISBN编号：9787301039687

10位ISBN编号：7301039689

出版时间：1999-06

出版时间：北京大学出版社

作者：北京大学古文献研究所 编

页数：609

版权说明：本站所提供下载的PDF图书仅提供预览和简介，请支持正版图书。

更多资源请访问：<http://www.tushu007.com>

<<全宋诗>>

内容概要

《全宋诗（51）》所收各家诗，无论绿自别集，抑或辑自他书，均详注出处。凡旧籍中一诗互见数人集中或名下而难以确定归属者，一律重收，各于题下互注又见。凡可确证系他人之诗而误收或误题者，则移入存目，并说明原由。

<<全宋诗>>

章节摘录

乘肥衣轻岂不快，往往久长难可必。
 矍铄吾翁八十五，骨劲双瞳如点漆。
 安贫每甘菽水养，虽是形羸心则逸。
 菊花开晚似有意，不为重阳为今日。
 成行儿女罗酒浆，拜祝愿天从所乞。
 不愿分外乐事多，只愿亲安体无疾。
 不愿官书汾阳考，只愿亲年增秩秩。
 儿孙倘或有生意，此去买田多种秫。
 直须酿酒如春红，岁岁称觞无了毕。
 况当风物一年好，盘荐黄橙并绿橘。

戊寅老人生日 吾家本是田家子，其先世世居田里。
 儿因逐食浪飘蓬，欲归无以供甘旨。
 吾翁亦能甘淡薄，日夕饭疏而饮水。
 浑然质朴古人风，固应自有长生理。
 筋骸虽老自康健，聪明少壮犹难比。
 了无机械足怡神，不生嗜好强精髓。
 人间可慕是荣华，人间可羨为豪侈。
 荣华有似庭下花，芳菲之日知能几。
 豪侈真如草头露，不能顷刻朝阳裹。
 谁知贫贱自安分，年年如此只如此。
 吾乡自来丙山高，位当南极崔嵬起。
 吾家门门对此山，算高欲与山同纪。
 加之西邻与东舍，往往黄发皆儿齿。
 酒熟长愿相招呼，一笑忘形相汝尔。

自铅山归上饶途中感兴 来时积雪归途熟，暗中流换惊时节。
 所幸康宁九十亲，依然堂上垂华发。
 随意何当足甘旨，斑衣日戏慈颜悦。
 丈夫事业有用舍，穷通不必生分别。
 直须用力随处处，无徒潇洒送日月。
 嗟嗟世人泣岐路，东乡久哉吾计决。
 终当縶马扶桑树，车行万里谁能遏。
 慷慨自奋歌此章，老去不知情激烈。

送周希颜游章贡 忆昔吾先师，慷慨歌远游。
 超忽凌八荒，咫尺视九州。
 东将征暘谷，挂衣扶桑头。
 西不畏羊肠，而以摧其辀。
 南辕有遐眺，直指百粤陬。
 北驾何所之，亦欲穷燕幽。
 堕地弧矢志，壮岁无不酬。

.....

<<全宋诗>>

版权说明

本站所提供下载的PDF图书仅提供预览和简介，请支持正版图书。

更多资源请访问:<http://www.tushu007.com>